

խիկ չորրորդը եւ ամենաընտիր բանակը պիտի գնայ Նախիջևեանի վրայ, ուր խանը (նահանգապետը) 100 մարդ ունի եւ բոլոր քրիստոնեաների մահացու թշնամին է:

Նախիջևեանում բոլոր չորս բանակները միանալով, պիտի շարժուեն Երեւանի վրայ, որ պարսկական Հայաստանի գլխաւոր քաղաքն է եւ լաւ ամրացած Այդտեղ նստում է նահանգապետը (սարգար), 200 մարդով: Քաղաքն ունի 30 թնդանօթ, բայց առանց ուղմբի, որովհետեւ պարսիկները չգիտեն, թէ ի՞նչ բան է թնդանօթը. չգիտեն նաեւ նրա դործածութիւնը: Քաղաքն ամրացած է միմիայն պարսիպներով, առանց խրամատների, ուստի եւ թընդանօթները կարելի է քաշել մինչեւ պարսիպների տակը: Հնարաւոր է առանց մէկ հրազէն անդամ պարպելու դրաւել քաղաքը, որովհետեւ վառօդի եւ դէնքի պահեստները գտնուում են հայերի ձեռքին:

9. Երեւանին տիրելուց յետոյ՝ ամբողջ զօրքը արագօրէն պիտի շարժուի Թաւրիզի վերայ, որ շատ հարուստ եւ վաճառաչահ քաղաք է: Քաղաքին տէր դառնալով, հեշտութեամբ կարելի է 100,000 մարդ զինել եւ հազցընել նրա անբաւ հարստութիւններով: Թաւրիզից զօրքը պիտի գնայ Սօֆիան¹⁾ եւ այդտեղից էլ Տաճկաստանով վերադառնայ Երեւան:

10. Այս ամէնը դիւրին է անելը եւ պիտի կատարուի շատ արագ, ընդամէնը 20-25 օրուան ընթացքում:

11. Պարսիկները հայ-դաշնակից զօրքերի դէմ ոչինչ անել չեն կարող, որովհետեւ հայերը նախ՝ 24 ժամուան մէջ կարող են հանել 192,000 զօրք, չհաշուած վրացական 80 հազարանոց բանակը, որ սիրով կը տրամադրեն հայերին: Երկրորդ՝ կորցնելով Հայաստանն ու Վրաստանը, պարսիկները կարող են հանել ընդամէնը 20,000 մարդ, այն էլ հազիւ 7-8 ամսուան ընթացքում: Եւ վերջապէս երրորդ՝ պարսիկ զօրքը չափադանց անկանոն է — չունին հետեւակներ եւ իւրաքանչիւր կռուից յետոյ ամէնքը ցրւում են իրենց տները՝ առանց թոյլտուութեան: Դրա հետ միասին՝ նրանք նաեւ անըն-

դունակ են բերդեր պաշարելու, եւ հնում, եթէ նրանք կռիւներ էին անում, հայերն էին նրանց համար բերդեր պաշարողները:

12. Տաճկաստանից էլ վախենալու բան չկայ, որովհետեւ նախ՝ տաճիկներն ու պարսիկները իրար բարեկամ չեն. երկրորդ՝ Երեւակ Դաշնակցութիւնը տաճիկներին կը վստահացընի, որ պատերազմը իրենց դէմ չէ, այլ պարսիկներին, եւ երրորդ՝ եթէ տաճիկները օգնեն պարսիկներին, ուսաները խոյոյն պատերազմ կը յայտարարեն տաճիկներին²⁾:

6.

Ինչպէս տեսնում էք, բաւական բոմանդիկ ու երազական է այդ ծրագիրը: Ամէն բան կատարւում է շատ դիւրին եւ արագ, կարճէք կախարդական գաւազանի հարուածով եւ միշտ հայերի օգտին: Թշնամին ոչնչութիւն է, իսկ հայերն ու իրենց մէկ բուռ դաշնակից եւրոպական զօրքը՝ ամենակարող: Շամախուց մինչեւ Թաւրիզ, որ հնում կարելի էր, ամենայայտնի դէպքում, 12-15 օրում անցնել, ապստամբներն անցնում են 20-25 օրում, այն էլ պատերազմելով, ճանապարհին մի շարք բերդեր ու քաղաքներ դրաւելով եւ մահմեդական ազգաբնակչութիւնը զինաթափելով:

Մրագրի գլխաւոր առանցքն է կազմում — ինչպէս յիշեցինք — այն միտքը, թէ Հայաստանի ազատութիւնը պիտի կատարուի Արեւմուտքի միջոցով, եւ Արեւմուտքն էլ, լցուած քրիստոնէական մարդասիրութեամբ դէպի քրիստոնէայ հայերը, անպայմանօրէն գործի դրուի պիտի անցնի եւ նրանց փրկի մահմեդականների լծից:

Ա՛յն պայմաններում եւ ա՛յն ժամանակ այդպիսի մտածողութիւնը — մեր կարծիքով — միանգամայն բնական էր եւ հասկանալի, մի շարք պտածաններով: —

Ամենից առաջ՝ բոլոր թոյլ ազգերի — դեռ աւելի՝ բոլոր ամէն կարգի թոյլերի — հոգեբանութիւնն է դա՛ յոյսը միշտ ուրիշների վերայ դնել: Հայ ազգն եւս — տնտեսապէս քայքայուած, բարոյապէս ու մտաւորապէս ընկճրւած եւ քաղաքականապէս յետին թշուառու-

1) Գիւղ եւ կայարան Թաւրիզ-Ջուլֆա երկաթուղագծի վրայ:

2) Եզեանց, «Պետրոս Մեծի Յարաբերութիւնները», փաստաթուղթ 9 եւ 10: